

POETA DE ARBÈSCHIAS LUNÀDICAS..

(A tottu sos pitzinnos... traìchios)

Animas in pelea
in ruches de anneos
urulande de badas a su bentu...
Unu trabu muscau
a istràbios de sole in passibale ...
Unu pirastru solu, isalenau:
in sas carbas istraccas
un'astore
luguninde disizos mustrencos
in d-unu nidu 'e trampas beffulanas...

Ghèmidas de terra sicca...:
ambisugas sidias irbenande
unu sole moribundu
a traccheddu 'e dentes
sos crapicos mossende de s'intrìghinu...

A sucuttu... a sucuttu...
Chin sas alas fartadas
sos pessos meos nobales
aggorraos in òspiles de suspu...

Corròchinos de bentu
in su coro 'e arbèschias d'isporu...
abbentada 'e subores
in padentes de cussèntzias cumbessas...

pìlios de pitzinnos,
bardanaos de s'anima
s'intèndene...
imbojaos
in francas de Astores

sutta chelos de àstragu... e de focu...

E dego,
poeta de arbèschias lunàdicas
tzeravallu 'e paràgulas surdas
chene pedes ne alas
supra sa chima 'e sos pessos meos,
tesso rimas d'isperas
isettande un'istrina 'e sole nobu
chi pottat ingranire
in s'intranna 'e s'oje
pro sos Fizos de cras
ispicas d'oro...

POETA DI STERILI ALBE...

(A tutti i bambini vittime di abusi...)

Anime sofferenti
in croci d'ansie
invano al vento gridando...
Un toro imbizzarrito
tampinato dal sole nella tanca...
Un perastro assetato, solitario:
tra i rami trafelati ...
un 'astore
covando oscure brame
in un nido d'inganni beffardi...

Gemiti di terra secca...:
sanguisughe assetate dissanguando
un sole moribondo
a stridore di denti
addentando i capezzoli del crepuscolo...

A singulti.. .a singulti...
con le ali tarpate
i miei pensieri fanciulli
prigionieri in recinti di metafore...

Muggiti di vento
In cuori d'albe sgomente...
sentori di fregola
in selve di coscienze bacate...

lamenti di bimbi
depredati dell'anima
si odono...
impigliati
in rostri di Rapaci

sotto deli di brina...e di fuoco

Ed io,
poeta di sterili albe
almanacco di parole sorde
senza piedi né ali
assisa sui miei pensieri
tesso rime di speranza
aspettando la strenna d'un sole nuovo
che possa far granire
nell 'anima dell'oggi
per i Figli del domani
spighe d'oro...